

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa Sporazumom s projektnim partnerom: RE.TE. Ong - Udruženje tehničara za solidarnost i međunarodnu saradnju, broj: 11-37-8124/19 od 15.05.2019. godine i Ugovorom o donaciji broj: 11-33-8775/21 od 21.06.2021. godine, na prijedlog Ministarstva zdravstva, Vlada Zeničko-dobojskog kantona, na 114. sjednici, održanoj dana 19.07.2021. godine, d o n o s i

ODLUKU
o ustupanju na trajno korištenje mamografskog aparata
JU „Dom zdravlja“ Zavidovići

Član 1.

(Predmet Odluke)

(1) Ministarstvo zdravstva Zeničko-dobojskog kantona ustupa na trajno korištenje bez naknade mamografski aparat „Viola D“, serijski broj: 2114108242, inventurni broj: 10929, JU „Dom zdravlja“ Zavidovići.

(2) Nabavna vrijednost ustupljenog aparata iznosi 190.593,00 KM (slovima: stotinu devedeset hiljad pet stotina devedeset tri konvertibilnih maraka).

(3) Ustupanje stalnog sredstva na trajno korištenje podrazumijeva prijenos prava vlasništva nad stalnim sredstvom i predaju u posjed bez naknade.

Član 2.

(Način knjiženja)

Zadužuje se Ministarstvo finansija da isknjiži stalno sredstvo iz člana 1. ove odluke iz knjigovodstvene evidencije Ministarstva zdravstva, u skladu sa vrijednostima koje se utvrde na dan isknjiženja, a JU „Dom zdravlja“ Zavidovići se zadužuje da izvrši knjigovodstveno evidentiranje ustupljenog stalnog sredstva.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija Zeničko-dobojskog kantona i JU „Dom zdravlja“ Zavidovići, svako u okviru svoje nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Broj: 02-11-10239/21

Datum, 19.07.2021. godine

Zenica

Mirnes Bašić

DOSTAVLJENO:

1x Ministarstvo zdravstva

1x Ministarstvo finansija

1x JU „Dom zdravlja“ Zavidovići, putem Ministarstva,

1x RE.TE – Associazione di tecnici per la solidarieta e cooperazione internazionale

- Udruženje tehničara za solidarnost i međunarodnu saradnju, putem Ministarstva,

1x „Službene novine Zeničko-dobojskog kantona“,

1x a/a.